

ETAHI RETA KI TE ETITA.

KI TE ETITA O TE PIPUWHARAUROA.

E HOA; tena koe. E hau kori mai na i raro i nga parirau o ta tatau manū, te manu whakamarama i nga ritenga me nga bianbia o nga ra kua hōri ake nei ki muri, tae mai nei ki enei ra. No reira he inoi atu tena ki a koe, kia pai mai koe ki te panui atu i nga korero e mau ake i raro nei, hei whakamarama ki nga hoa e tae mai ki tenei takiwa a muri ake nei, ahakoa maori, ahakoa pakeha, me nga iwi hūhua ranei o te ao e tae mai ana ki kōnei.

No te 28 o nga ra o Hānuere tata i mahue ake nei i tu ai tetahi hui ki kōnei ko te putake o taua hui he whakatu i tetahi ture hei arai i nga tangata, kia whakamutua te tabutabu i nga waahi e tipurā ana e te rarauhe, e te manuka, me te kiokio, kaati-ko te whakataunga a taua hui, me tino mutu taua mahi i muri atu o te whakaotinga i tenei take, ki te kōhea kua wera tetahi waahi rarauhe manuka, kiokio ranei, i te tangata i nga tangata ranei, ka whānuitia i a raua ratou ranei kia utu i nga moni e rua pauna tekau hereni £ 2 10s. ma te tangata katahi, ko nga waahi hei taunga mo tenei ture ko nga waahi, i waenganui o Tau-mata-o-Apanui te roherato, o te awa o Haparapara te rohe rawhiti, kati kua oti te whakatu e te Iwi tetahi komiti hei tiaki i tenei ture, ko te putake i kotia ai taua mahi, na te mohiotanga inaianei, ko taua mahi he mahi patu whenua whakaitōhea hoki.

Kaati kōia nei nga korero e inoi atu nei au kia panuitia atu e koe, ki te pai maira i a koe, Hei kōna ra!

Na to hoa pono,
na KEMARA TAPETA.

KI TE ETITA O TE PIPUWHARAUROA.

E HOA, tena koe. He tono atu ki a koe kia utaina atu ena kupu. hei haringa ma ta tatou mokai ki ona marae hūhua o Te Kotahitanga o nga tamariki o Te Aute ki Tau-mata-o-mihi, ka kokiritia he motini mo te waipiro, ara, he tono atu ki te Paremata, kia whakamānāia te iwi Maori kia whai-pooti mo te turaki i te waipiro, mo te whakatu ranei. E ki ana te pakeha, na te waipiro nga parekura nunui atu i te ao nei. Me mohio hoki tatou, ko o tatou tupuna, me o tatou matua, kua ngaro atu ki te po i whakaponongatia e tenei kai. no reira mai ano, i morehuitia ai te ahua o te tangata o te whenua. Na reira ka parau

noa ake te whakaaro, i roto i tenei whakaturanga hou, ki te arai atu i etahi o nga tikanga kino e pa ana kia taua ki te iwi maori.

Kua whakamānāia mai e te Kawānātanga te Kaunihera Marae, me te Kaunihera Whenua ki te iwi maori. Otira e te iwi, kia tupato ta tatou whakahaere i enei taonga kua riro mai nei i a tatou. E hara i te ringa maori nana i homai, engari na te ringa kaha o te pakeha, mo reira kia tupato, kei kino rawa te mea e pa mai ki a tatou a muri ake nei.

E tino tautoko ana au i nga kupu katoa a Tokoatua e mea nei kia whakamutua te haurangi o nga mema Kaunihera. He hunga koutou katoa na te iwi i ata whiriwhiri mo teua taranga, hei arahi i te iwi ki te tika. Ki te haurangi to kapene o te tina kaore e bapa te eke ki runga toka. Waihoki ki te haurangi tonu koutou kaore e hapi i te aitua o te iwi.

No reira he motini pai tenei, te turaki i te waipiro, ma kōnei anake pea e taea ai te whakahaere i etahi o enei tikanga hou kua whakawhiwhia nei kia taua. E te iwi, waiho ma te ma te pokanoa taua e turaki, engari ko taua kia tika.

Heoi nga kupu,
Na to koutou hoa aroha,
Na TAME ARAPATA.

HE RETA MAI I TAWHITI.

KUA tae mai te reta a Mere Whaanga i Amerika hei whakaatu mai i te ora o Hirini ma, me te reta a Hirini hei whakaatu i te kino o te kai waipiro hei tohe hoki i te tangata kia whakamutua te kai i taua mea kino. He roa no taua reta i kōre ai e taea te perehi katoa. E mea ana ia:—

“Kahore ahau i hoko i oku whenua mo te patara, kotahi e rua ranei, i hokona ketia ia te whenua ki te moni i muri iho katahi ka tahuri atu ki te inu i muri mai o taua inumanga ka rereke nga mahara ka rite ki te porangi te ahua ka pohehe noa iho nga whakaaro. No te hokinga mai o nga whakaaro mohio katahi ka whatoro iho te ringa ki roto ki te pakeke o tona tarau po... ku... a haere noa atu ia ki roto ki te pakete o te tarau o Waipiro a ka tu porangi noa iho ka rakuraku nga ringa ki te mahuna a ka tangi te mapu me te mea he ngeenge i te pikitanga. No reira ka whakaare toku ngakau ki te whakaaro a nga iwi hapu kia tino hinga atu taua ngarara kino an, he ngarara nanakia whakangōhehe whakaporangi whakapohara i te tangata a tona mutunga iho he mate.”